

## REGLUGERÐ

### um breytingu á reglugerð nr. 470/1979 um Rafveitu Húsavíkur.

1. gr.

16. gr. reglugerðarinnar breytist og orðist þannig:

16. gr. Gjald fyrir raforku.

Reikningur fyrir raforkunotkun skal sendur notanda á notkunarstað eða annan stað, sem hann tiltekur. Gjaldalagi er við útgáfu reiknings. Hafi reikningur eigi verið greiddur innan mánaðar frá útgáfudegi skal greiða hæstu lögleyfðu vanskilavexti af því sem ógreitt er, talið frá og með gjaldlaga.

Nánari reglur um gjaldlaga má setja í gjaldskrá. Heimilt er að áætla raforkunotkun notenda og innheimta reglulega skv. slíkri áætlun, enda fari fram uppgjör á staðreyndri notkun skv. álestrum eigi sjaldnar en einu sinni á hverjum 12 mánuðum.

Reikningur fyrir áætlaða notkun telst fullgildur reikningur á sama hátt og uppgjorsreikningur, enda getur notandi jafnan krafist aukaálestrar og uppgjors miðað við staðreynda notkun gegn aukagjaldi skv. gildandi gjaldskrá á hverjum tíma.

Við verðbreytingar á raforku má áætla notkun skv. eldri og nýrri gjaldskrá og skal skiptingin sýnd á næsta orkureikningi. Skal notkuninni skipt jafnt niður á það tímabil, sem reikningurinn nær til.

Einnig er heimilt að ákveða meðalverð skv. nýrri og eldri gjaldskrá sem þá ákvarðast af gildistöku nýju gjaldskrárinnar miðað við reikningstímabil og skal þá gengið út frá að notkunin skiptist jafnt niður á tímabilið.

2. gr.

Reglugerðarbreyting þessi, sem samin er og samþykkt af bæjarstjórn Húsavíkur staðfestist hér með samkvæmt 24. gr. orkulaga nr. 58/1967 til að öðlast þegar gildi og birtist til eftirbreytni öllum þeim seem hlut eiga að máli.

*Iðnaðarráðuneytið, 27. febrúar 1985.*

F. h. r.

**Páll Flygenring**

*Guðrún Skúladóttir.*

15. febrúar 1985

Nr. 118

## REGLUGERÐ

### um breytingu á reglugerð nr. 371 25. október 1976 um happdrætti dvalarheimilis aldraðra sjómanna.

1. gr.

1. másl. 7. gr. orðist svo:

Verð ársmiða er 1560,00 kr., en verð endurnýjunarmiða í hverjum flokki 130,00 kr.

## 2. gr.

Reglugerð þessi, sem sett er samkvæmt heimild í lögum nr. 16 13. apríl 1973 um happdrætti dvalarheimilis aldraðra sjómanna, öðlast gildi 10. apríl 1985.

Jafnframt fellur úr gildi reglugerð nr. 35 27. janúar 1984.

*Dóms- og kirkjumálaráðuneytið, 15. febrúar 1985.*

**Jón Helgason.**

*Ólafur W. Stefánsson.*

**REGLUGERÐ**

**um breytingu á reglugerð um aukaframlög úr Jöfnunarsjóði  
sveitarfélaga nr. 467 frá 7. ágúst 1981,  
sbr. reglugerð nr. 138 frá 6. mars 1984.**

## 1. gr.

Ákvæði til bráðabirgða.

Við álagningu útsvara á árinu 1985 telst skilyrði 1. mgr., 3. gr. reglugerðar nr. 467 frá 7. ágúst 1981 fullnægt, þótt útsvar hafi ekki verið innheimt með álagi skv. 4. mgr. 25. gr. laga nr. 73/1980 um tekjustofna sveitarfélaga.

Reglugerð þessi er sett skv. heimild í 47. gr. laga nr. 73/1980 til þess að öðlast gildi þegar í stað.

*Félagsmálaráðuneytið, 27. febrúar 1985.*

**Alexander Stefánsson.**

*Hallgrímur Dalberg.*

**AUGLÝSING**

**um gjald fyrir tilkynningar o.fl. sem birtist í Lögbirtingablaðinu.**

Samkvæmt 6. gr. laga nr. 64 16. desember 1943, um birtingu laga og stjórnvaldaerinda, er gjald fyrir tilkynningar o.fl., sem birtist í Lögbirtingablaðinu, hér með ákveðið þannig:

	kr.
1. Fyrir tilkynningu um skrásetningu hlutafélaga og samvinnufélaga . . . . .	2 200
2. Fyrir tilkynningu um skrásetningu firma . . . . .	800
3. Fyrir tilkynningu um veitingu prókúruumboðs, breytingu eða afturköllun á prókúruumboði . . . . .	800
4. Fyrir tilkynningu um breyting á hlutafélögum, samvinnufélögum og firmum (breytingu á stjórn, samþykktum, eigendaskiptum o.fl.) . . . . .	800
5. Fyrir tilkynningu um að hlutafélag eða firma sé hætt störfum . . . . .	200
6. Fyrir uppboðsauglýsingu, þrjár birtingar . . . . .	1 100